

Univerzitet u Sarajevu
Farmaceutski fakultet

Na osnovu čl.96.stav 3. Zakona o visokom obrazovanju Kantona Sarajevo („Sl.Novine KS“, br:42/13 i 13/15), čl.162. stav 1. Statuta Univerziteta u Sarajevu, odluke Nastavno-naučnog vijeća Farmaceutskog fakulteta Univerziteta u Sarajevu br. 0101-1832/15 od 04.09.2015, br. 0101-447/16 od 19.02.2016.godine i br. 0101-443/16 od 19.02.2016.godine i Odluke Senata br: 01-5875/15 od 30.09.2015.godine i br. 01-2362/16 od 30.03.2016.godine, Farmaceutski fakultet u Sarajevu raspisuje

K O N K U R S

za izbor akademskog osoblja na Farmaceutskom fakultetu Univerziteta u Sarajevu

Raspisuje se konkurs za izbor :

1. Nastavnika u sva zvanja na predmetu „Farmakokinetika“ – 1 izvršilac
2. Nastavnika u sva zvanja na predmetima „Organska hemija I“ i „Organska hemija II“ – 1 izvršilac
3. Viši asistent na predmetima „Farmaceutska hemija I“ i „Farmaceutska hemija II“ – 1 izvršilac
4. Asistent na predmetima „Industrijska farmacija I“ i „Industrijska farmacija II“ – 1 izvršilac

U skladu s članom 89. Zakona o visokom obrazovanju Kantona Sarajevo i člana 156. Statuta Univerziteta u Sarajevu uslovi za izbor u zvanje:

- a) asistent: odgovarajući univerzitetski stepen sa najmanje 240 ECTS bodova i najnižom prosječnom ocjenom 8 ili 3,5;
- b) viši asistent: stepen drugog ciklusa studija (magisterij), četiri godine iskustva u saradničkim poslovima, prosječna ocjena i na prvom i na drugom ciklusu studija 8 ili 3,5;
- c) docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti;
- d) vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta te mentorstvo najmanje jednog kandidata za stepen drugog ciklusa studija;
- e) redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova objavljenih u priznatim publikacijama, sve nakon sticanja zvanja vanrednog profesora te mentorstvo najmanje po jednog kandidata za stepen drugog i trećeg ciklusa studija.

Kandidati su uz prijavu dužni dostaviti:

- a) biografiju (CV) i spisak objavljenih naučnih/umjetničkih radova, programe javno predstavljenih projekata, patenata ili originalnih metoda iz oblasti za koju se vrši izbor,
- b) diplomu i drugu dokumentaciju o stečenom zvanju (ovjerena kopija)
- c) uvjerenje o državljanstvu (original ili ovjerenu kopiju)
- d) listu objavljenih knjiga, udžbenika i naučnih radova, kao i same radove (ukoliko iste posjeduje)
- e) podatke o nagradama i priznanjima u vezi sa odgovarajućom naučnom oblasti (ukoliko iste posjeduje)
- f) dokaz o uspješno obavljenom mentorstvu kod izbora u odgovarajuće akademsko zvanje (Dokaz o tri naučna rada kao ekvivalent za opravdano izostalo mentorstvo u slučajevima opravdanim u članu 158.stav 3. Statuta Univerziteta u Sarajevu)- za izbor u zvanje vanrednog i redovnog profesora.

Konkurs je otvoren petnaest (15) dana od dana objavljivanja.

Kandidati su dužni u svojoj prijavi naznačiti poziciju i zvanje za koje se prijavljuju.

Prijave sa potpunom dokumentacijom se dostavljaju na adresu Farmaceutskog fakulteta u Sarajevu, ul. Zmaja od Bosne broj 8 ili u prostorije Sekretarijata Fakulteta. Nepotpune i neblagovremene prijave se neće uzeti u razmatranje.